

## Odgovor na pitanje učesnika konkursa od 08.11.2024. godine

PITANJE: ovim putem grupa arhitekata MI ARHITEKTI (više autorskih timova) koja je imala namjeru raditi konkurs obavještava da se Raspisivač konkursa sjetio staviti na službenu stranicu objave konkursa tek između 5. ili 6. novembra Rješenje o imenovanju konkursne Komisije iz oktobra mjeseca.

Imenovana Komisija je sastavljena od naših cjenjenih kolega i kompetentna.

Preduvjeti za rad na konkursu su tek sada ispunjeni.

Iz tog razloga ovim putem zahtjevamo da se rok za predaju radova pomjeri i da rad na Konkursu teče od dana objave članova Komisije na stranici konkursa, kako bi konkurs bio službeno validan.

Očigledno da Raspisivač ne zna ulogu žirija, odnosno Komisije, pa neka samo pogleda bilo koji raspisani konkurs bilo gdje. Vidjeti će da je odmah na početku istaknut imenovani žiri za ocjenu radova.

Na ovaj način Raspisivač je doveo neke naše kolege u nezgodnu situaciju, jer tek sad znaju da ne mogu raditi Konkurs jer su ili autori ili dio užeg radnog tima jednog od članova žirija, a to nisu do sada znali.

Doveo je i naše timove u nepovoljan položaj, jer neke članove iz istih razloga moramo isključiti iz timova.

U protivnom, ukoliko se ne pomjeri rok za predaju radova, uložićemo pravnu žalbu kojom ćemo sigurno oboriti veliki trud mnogih naših kolega na ovome radu, a to nama nije cilj.

ODGOVOR: Nije tačan navod da je Rješenje o imenovanju konkursne Komisije obavljeno između 05. i 06.11.2024. godine. Predmetno Rješenje je obavljeno na službenoj stranici Zavoda za izgradnju Kantona Sarajevo dana 15.10.2024. godine ([www.zik.ks.gov.ba](http://www.zik.ks.gov.ba) u PROPISI> Pojedinačni akti Zavoda).

Članom 53. stav (6) ZJN propisano je da ugovorni organ može napraviti izmjene i dopune tenderske dokumentacije pod uslovom da se one dostave zainteresovanim kandidatima/ponuđačima istog dana, a najkasnije pet dana prije isteka utvrđenog roka za prijem zahtjeva za učešće ili ponuda. U slučaju da takve izmjene podrazumijevaju suštinsku promjenu predmeta nabavke, ugovorni organ će produžiti rok za prijem zahtjeva za učešće ili ponuda u zavisnosti od složenosti predmeta nabavke. Rok za produženje ne može biti kraći od sedam dana.

Članom 101 stav (1) tačka a. i b.) ZJN propisano je da se žalba izjavljuje u roku od deset dana od dana objavljivanja obavještenja u odnosu na podatke iz obavještenja o nabavci, odnosno **u roku od deset dana od dana objave tenderske dokumentacije na sadržaj tenderske dokumentacije** i u roku od **deset dana od dana objavljivanja izmjene i/ili dopune tenderske dokumentacije u odnosu na sadržaj izmjene i/ili dopune tenderske dokumentacije;**

**Kako u predmetnom postupku javne nabavke nije došlo do izmjene i/ili dopune tenderske dokumentacije / konkursne dokumentacije to ugovorni organ nije dužan pomjerati rok za predaju idejnih rješenja. Vezano za Vaš navod o eventualnoj žalbi, upućujemo Vas na odredbe člana 101. stav (1) tačka a.) I b.) kojima je preciziran rok u kojem se žalba smatra blagovremenom. U suprotnom ugovorni organ dužan je istu odbaciti kao neblagovremenu.**

**Po pitanju navoda za imenovanje stručne komisije/žirija želimo Vam naglasiti da ugovorni organ nije u obavezi Rješenje o imenovanju komisije dostaviti ponuđačima, niti o sastavu komisije informisati ponuđače, kao što i nema zakonom preciziranog roka u kojem ugovorni organ donosi rješenje o imenovanju iste.**

**Dakle ponuđačima nije dozvoljeno vršiti bilo kakav uticaj na rad ili odluke komisije, direktno ili indirektno, a samim tim se ne bi trebali interesovati za sastav konkursnog žirija.**

Sarajevo, 12.11.2024. godine